





大明英宗睿皇帝實錄卷之三百三十六

天順六年春正月丙申朔

上詣奉先殿

聖烈慈壽皇太后宮行禮畢出御奉天殿文武群臣  
及四夷朝使行慶賀禮群臣復詣東宮行慶賀禮  
聖烈慈壽皇太后 皇后免命婦朝賀

太丁酉

文武群臣朝親王於奉天門東廊

戊戌

宣宗章皇帝忌辰遣官祭



景陵宗章皇帝忌辰奉祭

巳亥

孟春享

太廟遣中官祭司戶之神

日生左右直氣色青

望赤鮮明

庚子

內官周光奉使襄王沿途杖毆官員索取錢物以

所得馬二匹獻王得賞銀兩事覺下錦衣衛獄鞫

之

辛丑

復除廣西道監察御史田斌於本道以丁憂服闋

也 蠲南北直隸并山東河南各府衛隨糧蘆葦

吏部言明年天下官員例當朝覲今贊理軍務

巡撫兩廣右僉都御史葉盛奏廣東廣西地方大

軍征進乞留所屬州縣官員在任管事供給軍餉

宜從所請

上從之 印綬監太監阮通奏舊制漕運遇風破舟

者令所在官司覆驗無偽即令全衛所皆於通州

上納免赴京倉省其僦車之費以補漂流之數行

之既久奸弊滋甚多有私賄沿河官司虛報遭風



以致上納京倉者少乞行禁革犯者治以重罪  
廣東三司奏潮州府程鄉縣賊首羅計寧張福通  
等糾海賊攻燒揭陽興寧縣治劫倉庫及民財復  
攻圍長樂縣都指揮安福率兵追捕射殺福通及  
從賊數人章下兵部請行總兵官顏彪調兵剿捕  
從之福建清流縣民廖榮祿言其縣烏石山風  
水有異畫圖以聞

上遣欽天監官及三司官按視不實執榮祿下獄誅  
之

壬寅

命故雙城衛帶俸都指揮僉事三角兀子撒兒昔  
答襲為指揮僉事

癸卯

以大祀

天地

上御奉天殿誓戒文武百官致齋三日

甲辰

贊叅軍務左侍郎白圭左副都御史王竑等分兵  
巡邊道達賊分路入寇一自棗園堡過河劫掠圭  
與過於固原川擊之擒九人斬首二級獲馬二十







上御奉天殿大宴文武群臣及四夷朝使 迺北字  
表等遣使臣那吟出等來朝貢馬賜宴及綵幣表  
裡等物

皇已酉 祭嘗禮志卷之四十一 正月廿七日 東北第  
封永興王姪輔國將軍誠淵妻曹氏為輔國將軍  
夫人賜詔命冠服 朝鮮國王李瑒遣陪臣朴大  
孫等來朝貢海青文魚賜宴及綵幣襲衣鈿絹布

聖匹等物

庚戌

上元節宴文武百官賜假十日

勅諭天下提督學校監察御史等官陳政等曰朕惟  
自古帝王治天下者率以興學育材為首務而學  
之興廢人材之盛衰治道之隆替係焉此蓋已然  
之明驗也曩朕嗣位之初慮天下學政久而廢弛  
爰簡學行老成之人授以憲職俾專提督之任行  
之十有餘年厥有成效自景泰中罷去斯職學政  
廢弛弊日益甚今復舉行舊典特命爾等巡視提  
督各府州縣儒學爾其欽哉夫總理一方之學政  
是即一方之表率然人以政必先正己爾其務端  
規範嚴條約公勸懲俾為師為弟子者一崇正學



迪正道革浮靡之習振篤實之風庶幾儲養有素  
而待用不乏斯足以稱朕簡任之意如或因循歲  
月績效弗彰朕將爾責爾其勗哉所有合行事宜  
申明條示於後其慎行之毋忽一學者讀書貴乎  
知而能行先將聖賢經書熟讀皆誦牢記不忘却  
從師友講鮮明白俾將聖賢言語體而行之敦尚  
孝弟忠信禮義廉恥之行不許徒務口耳之學庶  
將來得真才任用一為學工夫必收其放心主敬  
窮理毋得鹵莽間斷其於脩己治人<sub>人</sub>之方義利公  
私之辨須要體認精切庶幾趨向不差他日出仕

方能顧惜名節事業可觀一習舉業亦窮理之事  
果能精通四書本經便會行文有等生徒無實工  
夫惟記誦舊文意圖僥倖出身今宜痛革此弊其  
所作四書經義策論等文務要典實平順說理詳  
明不許浮誇恠誕至於習字亦須端楷庶不乖教  
養之意一學校無成皆由師道不立今之教官賢  
否不齊先須察其德行考其文學果所行學皆善  
須禮待之若一次考驗學問踈淺及怠於訓誨者  
姑誠勵之若再考所學無進又不改過送吏部別  
用其貪淫不肖實跡彰聞者不必考即掣送按察



司直隸送巡按御史問理吏部選有學行者往補  
其缺一師生每日坐齋讀書日逐會饌有司食與  
膳夫齋夫府學膳夫四名齋夫八名州學膳夫三  
名齋夫六名縣學膳夫二名齋夫四名不許違悞  
應後一生員考試不諳文理者廩膳十年以上發  
附近充吏六年以上發本處充吏增廣十年以上  
發本處充吏六年以上罷黜為民未及六年者量  
加決罰勉勵進學一生員之家並依洪武年間例  
除本身外戶內優免二丁差役有司務要遵行不  
許違悞一凡巡視學校水路乘驛舟陸路乘官馬

仍於本司帶書吏一名隨行陸路與官驛俱支廩  
給一府州縣提調官員宜嚴束生徒不許遊蕩為  
非凡殿堂齋房損壞即辦料量工脩理若恃有提  
督憲職將學校一切合行之事推故不行用心整  
理者量加決罰懲戒一所過之處遇有軍民利病  
及不及官吏貪酷害人事干奏請者從實奏聞一  
本職專督學校不理刑名如有軍民人等訴告冤  
枉等事許受詞狀輕則發下所在有司問理重則  
送按察司直隸送巡按御史提問一科舉本古者  
鄉舉里選之法今南北所取舉人名數已有定制



近來奔競之徒利他處學者寡少往往赴彼投充  
增廣生員詐冒鄉貫隱蔽過惡一槩應試所在教  
官僥倖以為己功其弊滋甚今後不許違者聽本  
職及提調科舉官監試官等問一布政司按察司  
官及巡按監察御史不許侵越提督者職事若以  
公務至府州縣亦當勉勵師生勤力學業不許推  
托不理若提調官員行止不端許巡按監察御史  
指實奏聞一所轄境內遇有衛所學校一體提調  
整理武職子弟悉令其習讀武經七書百將傳及  
操習武藝其中有能習舉業者亦聽就科舉一各

處歲貢生員照例將食糧年深者嚴加考試不必  
會官如果年深不堪充貢者就便照例罷黜却將  
以次者考充務要通曉文理方許起送赴部一廩  
膳增廣生員已有定額廩膳有缺於增廣內考選  
學問優等者幫補增廣有缺於本處官員軍民之  
家選擇資質聰敏人物俊秀子弟補充不許聽信  
有司及學官徇私作弊若有額外之數須嚴加考  
選通曉文義者存留待缺不堪者一槩存  
留躲避差徭一古者鄉閭里巷莫不有學即今社  
學是也凡提督去處即今有司每鄉每里俱設



社學擇立師範明設教條以教人之子弟年一考較責取勤效仍免為師之人差徭一師生於學校一切事務並要遵依洪武年間卧碑行不可故違南京戶部右侍郎譚溥卒溥字澤民山東昌邑縣人由進士歷刑部主事郎中遼東苑馬寺少卿廣東江西右叅政陝西左布政使天順五年丁父憂奪情起復陞南京戶部右侍郎仍食二品俸至是卒訃聞遣官諭祭溥儀表禮偉行事尚嚴刻所至人畏憚之

壬子

陞木峇里山衛指揮使把卜沙為都指揮僉事原林山衛指揮僉事扯養加為指揮同知征進兩廣總兵官都督僉事顏彪奏臣同兩廣總兵等官督率官軍進勦潯州大藤峽等處猺賊攻破七百二十一寨斬首三千二百一十七級復所掠男婦五百餘口

上賜勅獎勵彪等令其益加奮勇務盡殄滅以息民患

癸丑

通政使司左叅議尹旻奏臣到陝西審其軍行之



處非止一途蘭縣至於莊浪尤為緊要已將各處  
米菽及民間穀草盡行徵運赴彼其後次征調士  
馬駐劄平涼者又別項重復徵運今逆虜比道官  
軍人萬之上分為三路芻糧之資悉取民間地產  
有限費用無窮財力俱殫民無寧日其轉運之途  
動經數百里外路險天寒牛斃車摧不可勝紀今  
東作方興民將何倚近聞平涼之民日漸逃竄監  
賊荐生蓋緣其地前歲既遭旱傷去歲又遭疫癘  
加以遑務方殷寧不益致困憊夫民窮為盜理勢  
必然師老費財古今通患今所運芻糧僅備士馬

正月之用若再催徵誠恐人民愈加逃竄相扇為  
非邊患雖除復有意外之虞

上覽奏謂戶部臣曰速移文總兵等官從長區畫戰  
守進退惟彼所宜毋弛邊備毋困農民一鎮守莊  
浪奉御進保遣家入及土軍二十人出境圍獵為  
達賊射傷數人掠去官馬十六匹鎮守甘肅太監  
蒙泰以其事聞乞正其罪

上遣勅召進保還京仍命司禮監選人代之計夜有  
星大如鷄彈色赤出北斗魁北行至天搶星

丙辰



復除浙江按察司僉事王春於江西按察司以丁憂服闋也。命故陝西都指揮僉事任信子讓襲為寧夏前衛指揮僉事府軍右衛帶俸都指揮同知李玉孫瑾為指揮使。命脩南京甲字等庫及兵仗局庫作房共千二百間。從太監李秉奏也。建州等衛野人女直都督古納哈等來朝貢馬及貂鼠等物賜宴及綵幣表裡等物。山東德州平原縣儒學生員張俊德奏臣自幼讀書以圖報稱今特用已資倩工穿成彩色珠燈二副大園燈二椀及墜燈飛鳳結子華蓋仙童山鶴壽帶如得

聖覽庶盡臣子之心

上命賞鈔二千貫。木蘭河衛野人女直指揮散赤哈等來朝貢海青賜宴及綵幣表裡等物。徙山西渾源州上盤鋪驛於州之西關從所司奏請也。

丁巳

陞任南京刑部雲南司員外郎王琮為陝布政司右叅議。雲南掌陸涼州事宜慰副使資曹等四川益井等衛土官刺馬賢等董卜韓胡宣慰司等處竹籠寺刺麻番僧遠丹言千等陝西岷州衛大崇教寺國師刺麻番僧鎖南領占等貢馬及氍毹



佛像等物賜宴及綵幣表裏等物有差 巡撫甘肅右副都御史芮釗奏虜李未糾集醜類潛入我邊住牧分寇莊浪西寧甘涼等處雖屢被官軍剿殺而虜所殺官軍五百五十人掠去三百五十人馬騾牛羊五萬餘匹皆總兵等官宣城伯衛穎都督毛忠林宏等提督不嚴守禦無策所致穎等雖有微功難贖其罪雖究治之臣釗不能禦寇亦當萬死

上曰穎等亦嘗伏罪姑宥之仍令其戒嚴邊備復爾望必罪不宥

戊午

命故兀者衛都指揮同知刺塔子阿都哈指揮使保禿子阿的納朵兒必河等衛指揮同知完者不花子方家奴沙魯子巴哈刺苦指揮僉事阿兒哥子忒忽得河卜蘭子塔古俱襲職指揮使吉當加子苦塞奴代職建州衛指揮使沙班忽石門衛指揮使兀籠哈友帖衛指揮同知額塞哥薛列河衛指揮同知炒哈愛和等衛指揮僉事原羅等八人俱陞一級

己未



陞戶部山西司郎中白行順為山西平陽府知府  
蜀王悅薨例當與妃合葬世子支垓奏母妃  
何氏卒時未有合葬事例以此未為合葬規制今  
若穿壙恐驚母妃体魄乞別為一壙從之

庚申

陞河南道監察御史江勛為廣西按察司按察使  
命故金吾左衛指揮使張智善子剛金吾前衛  
指揮使丁榮子宣府軍右衛指揮同知朱玉子鑑  
羽林前衛指揮同知張盛子英指揮僉事盛安子  
通武驤右衛指揮僉事黃瑄子義俱襲職金吾右

大衛指揮僉事王鎖兒子亮羽林前衛指揮僉事何  
海子成通州衛指揮僉事王義子原俱代職 勅  
湯陰王祁鏞曰先因爾聽信校尉家人李寧等誅  
誘為非已將李寧等提問治罪然爾乃宗室至親  
身居王爵豈可聽人誅誘違越禮法今持遣內官  
李廣取爾未京戒諭勅至爾即遵行毋得稽違  
錦衣衛校尉溫昇欲納其原籍滕縣人女為妾其  
人所親沮止之昇唆使行事校尉至滕縣誣其沮  
止者家有妖書欲為亂執下獄以繩箍其頸燒酒  
灌其鼻出血不勝苦招伏移都察院比律定罪當



死者數人都察院李賓奏辨其誣是時校尉行事  
無遠不至有得妖言謀反者即援例陞官以是大  
為奸利惟昇以唆使之故法司敢為之辦事既聞  
上怒發昇免遼東軍 卯時日生暈隨生左右珥上  
生背氣一道各色淡俱至午雲遮 乙丑王初定下  
陞戶部尚書同知脫脫為指揮使 陞陝西道  
監察御史伍星會為湖廣按察司僉事

大明英宗睿皇帝實錄卷之三百三十六

大明英宗睿皇帝實錄卷之三百三十七  
天順六年二月丙寅朔增造薦新黃船十二隻從  
南京守備太監懷忠等奏也 夜東方有星大如

盞色青白尾跡有光起自軒轅東北行至北斗杓

丁卯

釋奠先師孔子遣太子少保吏部尚書兼翰林院

太學士李賢行禮

皇子生

上之第九子德妃魏氏出也



上戊辰祭先農之神  
太社

太稷

伊王顯快潘王幼學以

上復位六年欲赴京朝賀復書止之 內官弓勝奉

詔捕虎過代州崞縣索賂於知縣楊慶怒其少欲

杖之慶不服斥其以虎害人且命縣民昇所得虎

趣之去勝慚恚以聞

上怒命執慶下錦衣衛獄都察院奏其不安分敢與

內臣抗宜重罪

上命姑禁之

庚午

陞南京刑部浙江司郎中陳旺為湖廣黃州府知

府 賜和川王成鏐醫士一人從其文代王請也

給居庸關官軍馬二百四十五匹

辛未

寧府永新郡主儀賓高鶴齡以罪革去冠帶閑住

至是令復職從其請也

命壬申



命故恭順侯吳瑾子鑑襲封恭順侯給祿米一半以  
其年幼未能任事也 命毛憐衛故指揮同知南  
失子乃看襲職陞建州等衛指揮同知童撒歹為  
指揮使指揮僉事克苦苦咬納孫昌各俱為指揮  
同知 襄王瞻塔奏襄陽舊設漢江水馬館駟凡  
迎送詔勅牋皆就坎行禮近因牧馬不便遷置於  
峴山之下臣欲以其遺地自備工料建官廳行禮  
從之

宥都督同知馬良罪時良所部千戶唐勝等冒支料  
豆二百石有奇事覺

上宥良而下勝等於獄 巡撫寧夏右副都御史陳  
翌奏偵報黃河南岍鞋賊二萬餘徒驅逐牛羊無  
數自靈墩一路過河分道出境其地實左叅將都  
指揮使朱榮及署都指揮僉事馮紀分守怠玩失  
機宜正其罪

上曰地方未寧榮等且不問令其其實自陳

癸酉

勅諭迤北太師孛末宣德正統年間爾迤北能順天  
道敬朝廷每年遣使臣進貢朝廷亦遣使賞勞後  
因爾處自生釁端遂絕往來天順元年朕遣人各



爾意不知爾處何為反將使臣劫殺朕体天地之  
量不與爾較去歲爾處人馬擾邊數以書來求講  
和邊將皆以尔多變詐難信况已動調軍馬在邊  
不可和朕棄爾前過命邊將按兵不動特遣都指  
揮詹昇等至尔處尔即差納哈出等來京進貢昇  
等回又奏稱尔有誠意朕甚嘉悅厚禮以待未使  
所求又口物件悉皆准與因人口在涼州等處即  
遣人催取除死亡外見在者令盡數送來因納哈  
出等情愿等候又遣通事白暹先報尔知朕待尔  
誠意曲盡如此不意尔處人馬乘機復過黃河搶

掠朕恩尔既未講和豈有失信必是小人所為及  
邊將擒獲人口審問雖係毛里孩等舉意尔部下  
亦有人馬同來所為如此豈有誠意朕本欲将尔  
所求人口見在五人給與及差使臣同去因尔不  
守信義遂皆傳止然猶念尔遣使朝貢之意仍厚  
待使臣加陞官爵賞賜衣服冠帶等件特差人伴  
送出境又将綵段等物就令來使齎去與尔毛里  
孩等賞賜亦令各使齎去今後尔等果有誠意講  
和即便收回人馬遠離邊境再遣使臣來京朝廷  
一般厚待所求人口亦皆給與使臣來京道路大



同近便陝西險遠若照舊從大同進入方見尔之誠意朝廷亦可遣人接待若從陝西進入即非誠意朝廷亦無接待之礼朕奉

天命為天下主凡出一言聖如金石決無改移爾其体朕至意毋忽 陞戶部貴州司主事魯會為本部山西司郎中 給善射勇士福安等一百七十五人房屋 夜有流星大如雞彈色赤有光出北斗魁西北入鈎陳星

甲戌

給五軍三千神機營馬一萬五千匹

乙亥

命故兀者左衛指揮同知秃失帖木子惱沙指揮僉事滿哥子魯秃肥河衛指揮僉事木答子黃僉革襲職陞木蘭河衛指揮同知撒赤哈右城衛指揮同知亦里哈肥河衛指揮同知苦出不花俱為指揮使建州左衛指揮僉事阿哈為指揮同知 賜西河王第二妹蔚汾縣主并儀賓陳璽誥命冠帶 陝西總兵官保定侯梁瑤奏達賊入寇靖虜都指揮汪禮率兵追剿擒六人復所掠牛馬二千三百有奇賊奔遁出境



丙子

上有疾不視朝

勅鎮國將軍仕聖仕埭日先為騷擾官員軍民等事

提取儀賓蔣斌等到京究問知尔等於父寒垣王

處譖長子仕壘并嫡母謀欲以庶奪嫡又擅出城

外寺內連日飲酒索小民鮮魚酒果及喚樂婦歌

娼俱係違法今將蔣斌等所招情辭錄示尔其從

實以聞毋得飾非文過以重前愆仕聖仕埭各具

奏伏罪

上宥之

丁丑

遣順天府官祭宋丞相文天祥山東陵縣知縣

疑淮府所遣內使為詐驗之始釋去內使至京以

上聞命執凱下錦衣衛獄降二級

己卯

命故羽林前衛帶俸都指揮同知喻海子勇襲為指

揮使都指揮僉事石忠子湧襲為指揮同知直增

造寧河王府第從王奏也初造潘府長平郡主

府第從民人程懷等於他所沁水王復奏欲奪其

上所徙地且恐喝懷等令不得徙懷等以為言



上命給與懷等夜月犯內屏西南星  
庚辰文武群臣上疏問安  
上諭之日朕偶因脚疾復作暫免朝祭尔群臣宜用  
命心理事弗怠  
乙酉

上遣皇太子昭告於

七廟太皇太后

皇考宣宗章皇帝曰近於本月十一日脚氣復作痛  
苦難堪伏枕瑜旬不能動履顧惟眇躬仰承

祖宗之託主典神天之祀萬幾所係責任匪輕而久  
曠視朝實切憂懼伏望

列聖在天之靈軫念嗣孫默垂保佑消除災咎早獲  
平安庶得臨朝勉從政務以盡繼承之責謹以酒  
果用伸虔告伏惟鑒知謹告文安伯張輓奏臣  
年老染疾日加危篤恐一旦氣絕永負

皇上恩德伏望

皇上以宗社生民為念任用賢能以圖億萬年太平  
之治

上曰覽卿所言忠愛可嘉今卿疾勢雖篤尚宜調護



上痊可以副朕意  
丙戌

皇建東安門及東上門東上南門先是東上二門燬  
皇於火曹欽反復焚東安門至是命工部重建

丁亥

太醫院院使蔣主善等下錦衣衛獄以藥庫火故

也

戊子

發丁夫一千開祥符縣曹家溜

己丑

陸行又司行人丁玘繆樸李牧俱為南京刑部員

外郎

庚寅

上視朝

勅鎮守四川右少監閻禮得爾奏戎縣蠻賊聚衆行

劫隣縣燒燬場堡尔宜躬親馳往督同原委官撫

治如其勢猖獗所統官軍不敷許量調附近官軍

民壯併力剿捕務除寇攘以靖地方

命刑部陝西司署郎中事員外郎王琳戶部河南司

署郎中事主事馬進俱實授郎中戶部山西司署



員外郎主事侯瓚刑部陝西司署郎中郎事主事  
命武齊俱實授員外郎免河南輪班匠役三季及  
停確一應不急物料以被水故也遣翰林院侍  
讀學士錢溥禮科給事中王豫為正副使往封故  
安南國王黎麟子灝為王詔之日惟我  
皇明誕膺天眷統馭華夷同文軌於萬方覃聲教於  
土四表凡居覆載罔不歸心惟尔安王慕義稱藩蓋  
有年矣故因王黎麟敬天事大稟命受封保境安  
民恪脩職貢繼以子濬不替前脩屬茲告終統承  
乏胤其攝國事灝乃因王麟之子象賢濟美素得

邦人之心奉表輸琛益謹藩臣之禮今特遣正使  
翰林院侍讀學士錢溥副使禮科給事中王豫持  
節封為安南國王凡尔國中臣僚耆舊尚宜同心  
翼贊協力匡扶懋績先猷動循禮法備撫一方於寧  
謐享多福於久長故茲詔頒想宜知悉又遣司禮  
監太監崇昇奉御張崇同往就賚錢物收買應用  
香料等物勅灝領價逐一收買堪中者交付昇等  
以進

命廣西平樂府知府黃嵩仍舊任嵩九年考滿當代  
其屬縣民赴巡撫右僉都御史葉盛處言嵩有惠



政乞為奏留盛會同布政按察二司覆實以聞故  
命有是命琉球國王尚泰久遣使臣程鵬等來朝  
貢方物并迤北等處使臣阿失等海西兀者衛野  
人女直指揮禿魯出等烏思藏刺麻僧人鎖南桑  
爾加等陝西西寧衛弘覺等寺完卜刺麻干丹藏  
卜等雲南八百大甸軍民宣慰司頭目板門等四  
川益井衛馬刺長官司土官副長官敬男阿勝等  
各來朝貢馬馳海青兔鶻土豹方物賜宴并練幣  
表裡等物有差戶部奏巡撫南直隸右副都御  
史劉孜聞毋表例應守制然巡撫缺人

上命孜奔喪仍未巡撫孜奏乞終制不允  
星大如杯色青白出軒轅北行至柳宿

癸巳

調戶部左侍郎馬諒於南京戶部以諒有足疾朝  
祭不便也太保會昌侯孫繼宗自陳有疾乞解  
兵柄并辭太保職

上曰卿歷練老成朕所倚任所辭俱不允

甲午

清明節遣官祭

長陵



獻陵

景陵

陞刑部河南司郎中杜銘為雲南按察司副使

上南城兵馬副指揮張佑巡溝渠至宣武門見一人

開渠不深不知其為錦衣衛百戶叱弓兵欲笞之

百戶怒執佑訴之門達達以聞

上曰此兵馬欺歐軍職無理甚其枷示五城各一月

更處之

乙未

命故萬全都司都指揮使李顯子英襲為大同左衛

指揮同知文安伯張輓卒輓字文端追封河間

王玉之子英國公輔之弟也永樂三年特授金吾

前衛指揮使尋調長陵衛復調神策衛正統初以

勲戚陞都指揮僉事十四年陞後府都督僉事景

泰元年命掌中軍都督府事三年加太子太保六

年進陞右都督自陞都指揮至都督恒管將軍宿

衛天順元年以迎駕功封奉天翊衛推誠宣力武

臣特進光祿大夫柱國文安伯授以誥券子孫世

襲二年命掌左軍都督府事輓頗能孝友與人接

溫恭然性亦陰狡天順初往往乘機有所中傷至







庚子...  
南京刑部尚書蕭維禎九年考滿...  
上命復職...  
壬寅...  
書與淮王祁銓曰舊歲得奏欲赴京朝親朕念親  
親之義亦欲一見今遣人齋勅符金牌詣府尔可  
擇日起程途中宜安靜自愛以副朕意...復除雲  
南布政司右叅議甘敬修於山東布政司以丁憂  
服闋也...給大同東路及山海黃土嶺等關官軍  
大馬二千四百七十七匹雲川等驛馬五十九匹

癸卯...  
太保會昌侯孫繼宗有疾命醫視之

甲辰

陞戶科右給事中李錫為陝西布政司右叅議  
迺北李來使臣阿失虎又辭歸賜宴及綵幣仍命  
齋勅及綵幣回賜李來等有差...遼王貴煖岷王  
徽燦各奏明年正旦欲來朝賀復書止之...陝西  
總兵官保定侯梁瑤奏黃河水開鞋賊遠遁請令  
原調策應官軍舍餘民壯各回原處屯守事下兵  
部覆奏欲行鎮守舊叅等官會議施行內臣李賢



等言兵出在外可暫不可久暫則壯以則老且不退兵則陝西民無休息之時再欲徵運糧草必皆  
上從賢等言命副總兵右都督馮宗等放回官軍其  
馬匹命祭贊軍務右侍郎白圭同宗等點過帶回  
一萬其餘斟酌各邊缺馬多少量分各總兵等官  
給軍騎操戶部尚書年富聞父喪當守制  
上命奔喪即來視事

乙巳

朝鮮國王李瑒琉球國中山王世子尚德各遣陪

臣來朝貢方物賜宴各如例擢秀才夏文振為  
中書舍人文振太常寺卿杲子杲為奏請在中書  
舍人處寫誥及是三年故擢之

丁未

賞遼東定遼衛官軍郎玉等八十人銀各二兩以  
從都指揮馬鑑使海西也

戊申

命巡按直隸及巡鹽監察御史出榜招撫私販鹽徒  
拘留脅從小民有能自首者免本罪發遣寧家時  
南京魏國公徐承宗等官及南京六科十三道各



奏盜徒劉奮子聚衆二千餘人朱華熊能聚衆三百餘人李景初田宗等各聚衆五百餘人駕使舡隻往來江湖與販私鹽劫奪財物拒捕殺傷官軍哄誘小民上船役使拘留累年除捕獲者赴南京刑部問理外誠恐各徒延蔓日久為患不細奏乞區處

上命承宗等如法緝捕兼有是命

庚戌

陞廣西布政司右叅議曾序為本司左叅議府軍前衛指揮僉事揚洪以屢失朝叅納贖致貧賣

其妹與監生為妾因而劫之捕獲詔斬於盜所

辛亥

勅松潘副總兵都督許貴曰叙州蠻賊出沒為患已勅少監閻禮撫捕今禮又奏賊情猖獗比之松潘尤甚尔宜馳往四川會禮及三司官議叙州松潘賊情事勢孰緩孰急即將原調官軍土兵民壯先其所急相機勦捕務在周密允當以副委任復除南京湖廣道監察御史施兼於本道南京兵科給事中謝琚於南京刑科江西布政司右叅議陸嶺於廣西布政司俱以丁憂服闋也



壬子

陞大理寺右寺副傅溥為廣東按察司僉事賜  
右軍都督僉事阿的納姓名曰王義南夜南方有  
星大如盞色青白尾跡有光起自軫宿西南行至  
近濁

癸丑

命召副總兵右都督馮宗左叅將都督同知趙勝叅  
贊軍務兵部右侍郎白圭還京仍勅左副都御史  
王炫都督李杲暫留提督防守

甲寅

陞中書舍人謝宇為禮部祠祭司員外郎仍於內  
閣書辦南京工科給事中項倬為湖廣漢陽府知  
府戶科給事中曹鼎為廣西平樂府同知俱以九  
年考滿也

乙卯

勅諭弗提等衛都督察安奴等曰今遣都指揮僉事  
馬鑑等賞勅并貨物往爾處公幹爾宜省諭奴兒  
等物進貢者聽馬鑑等就彼給賞其買賣任從兩  
平交易不許爭競紛擾事完爾等用心護送回還



毋致疎虞庶見尔等敬順朝廷之意  
命疏濬淮安以南運河造賞賜番僧衣服四百五十襲  
都察院右都御史李賓右副都御史林聰  
坐移文失書恩旨罰俸三月  
色青白出氏宿西南行至游氣

已未

命故湖廣都指揮僉事高本孫斌襲為沔陽衛指揮  
同知大寧前衛帶俸都指揮僉事康福子斌代為  
指揮使  
復除陝西布政司右叅政王銳於湖廣

布政司以丁憂服闋也  
南京守備太監懷忠等  
奏每年四月進貢鱮魚須用冰辟熱然鱮魚厥臨  
江而取水於內府不便請置冰窖於殿後從之

庚申

命刑部河南司署郎中事員外郎許振實授郎中湖  
廣司署員外郎主事謝綬實授員外郎

辛酉

給寧化王府安澤縣主并儀賓張岳虞鄉縣主并  
儀賓王琦歲祿各六百石本色米四百石折鈔二  
百石羅陰郡君并儀賓郝銘歲祿四百石本色米



二百五十石折鈔一百五十石  
命都督僉事靳忠署都督僉事王英劉福提督官軍  
收放騎操馬

壬戌

書與東安王季燠曰承諭以兄楚王薨逝庶生子  
今甫八閱月本府庶務及喪禮無人維持朕聞之惻  
然懷歎已勅承奉長史等官用心整理府中內外  
庶務至若喪葬禮儀事体非小不可輕易差失王  
宜主管<sup>以</sup>畢其事其庶子幼小繼承所係尤須戒  
諭乳保之人用心育護俾有成立此乃兄弟之誼

英在所當然宜加意慎行之以副朕篤念親親之意

陞四川道監察御史王用為四川按察司副使

松潘等處撫治羗夷刑科給事中楊青為河南按

察司僉事撫民管屯 鎮守居庸關都督同知李

奇為所屬發其私役軍士諸不法

上宥之命錦衣衛違官校責其罪狀

癸亥

迺西亂加思蘭等遣使單連帖木兒等來朝貢馬  
駝方物宴賜有差

乙丑



陞陝西布政司左叅議李源為本司右叅政提督  
糧草從鎮守陝西少監黃沁等奏保也

命故萬全都司都指揮同知王俊子珍襲為保安衛  
指揮使 修濬西寧衛瞿曇寺墻及溝以瞿曇寺  
土灌頂淨覺弘濟大國師領占截下等乞為防韃賊  
侵犯故也 一夜有流星大如鷄彈色赤出太微東  
垣西行至翼宿

英宗睿皇帝實錄卷之三十三

大明英宗睿皇帝實錄

天順六年夏四月丙寅朔享

太廟

遣中官祭

司竈之神

丁卯

兵部奏敕南夷人聚衆屢於永寧宣撫司地方劫  
掠已勅都督同知許貴調兵勦捕近日愈肆猖獗  
而貴等兵猶未到宜移文貴等督官軍亟行以靖  
地方從之

戊辰

陞山東道監察御史劉瑄為河南按察司僉事刑



部奏在京指揮弟男等六人結成群夥飲酒毆人  
詐取貨物罪應贖杖然居輦轂之下敢尔恣橫難  
照常例處置

上命錦衣衛枷示大街三月陝西按察司僉事李  
觀奏都指揮僉事劉瑛姦占義男婦當寘於法都  
察院奏請下巡按御史鞠治從之浙江臨海縣  
民張貴等會奏致仕叅政杜寧倚恃先任侍郎出  
入有司囑託公事

上命巡按御史廉其實以聞

大庚午

命番干丹藏卜襲灌頂真修妙應國師賜之誥命

漕運總兵官都督徐恭奏巡按御史李傑非理凌  
辱指揮出入虛張聲勢

上命法司遣人往廉之副總兵右都督馮宗等以  
固原州所獲韃子脫脫木兒等械至京師

上命付錦衣衛鞠之

壬申  
停免河南開封等五府所屬四十州縣去年被災  
田畝秋糧二十八萬四千一百六十餘石馬草三  
十六萬一千三百四十餘束宣武等五衛屯田子



粒二千六百抄十餘石  
發酒  
賜文武百官宴  
兵部奏涼州鎮番永昌等處殺  
賊有功陞賞將士三百六十一人有差內七人陞  
一級給賞一百二十六人陞一級餘皆給賞

甲戌

兵部言北直隸福建貴州廣西廣東雲南清軍御  
史顧儼等以三年例來京款令各官仍前清理

上曰兩廣師旅方殷御史不必去只令有司清理貴  
州軍數甚少令雲南清軍御史兼之

丙子

勅諭禮部臣曰皇太子年及婚期宜慎簡賢淑以  
為之配爾禮部其榜諭北京直隸南京鳳陽淮安

徐州河南山東於大小官員民庶良善之家用心  
選求擇其父母行止端莊家法整齊女子年十四  
至十七容貌端潔性資純美言動溫恭咸中禮度  
者有司以禮令其父母親送赴京

命故燕山左衛指揮魏榮子輔金吾右衛指揮使魏  
清子震指揮同知王瑾子璽通州衛指揮同知錢  
銘子睿金吾左衛指揮同知孟端子玘府軍右衛



指揮同知郝賢子祥俱襲職  
命山西沁州及沁源武鄉二縣小民間墾荒田照例  
命起科仍舊管種時寧河王奏前地係祖父晉恭王  
護衛屯田比因革罷衛分田亦荒蕪多被所在小  
民開種乞撥賜本府養贍  
上命戶部勘實以聞因有是命  
楚主季恂奏兄子鎮國將軍均鏐病故遺下夫人  
趙氏并嫡子二人乞量賜食米養贍  
上命戶部歲以米五十石給之  
禮部尚書石瑁自  
陳年老有疾乞歸田里不聽

戊寅

先是華陽王友輝與其弟鎮國將軍友璧互相訐  
奏

上命都察院遣人勘實就執其干連人犯魏祥等來  
京鞫之乃得友輝容留僧引川在府誦經坐禪令  
老宮人事之并逼軍餘辨納月錢銀兩致逃走數  
多友璧遇

聖壽千秋等節執私忿不赴府行禮私姦家人女伐  
民間塚樹誣執平民為盜至是  
上特勅友輝曰王兄弟交惡以傷骨肉之情感於異



上端以招嫌疑之謗急於財利以失下人之心皆非  
保全名爵之道自今以後宜痛自改悔循理守法  
聖如或罔知改悔仍蹈前愆則

祖宗之法具在朕不敢私并

勅諭友壁俾其其實以聞

己卯

三法司官尚書陸瑜等奏羽林前衛千戶陳斌母  
言斌每費俸銀出外酣醉不理公事及屢訓詈反  
被其毆法司鞫罪應斬今其母又訴被夫弟圖謀  
官職左使誣斌臣等廉之斌固無毆母狀當坐以

私擅用財贖杖還職

上從之 夜月犯東咸第二星

庚辰

修內府經廠庫房 修南京通政司 都察院等

衙門右都御史等官李賓等奏河南弘農衛指揮

李斌謀逆已處決其不同居族弟李義等九人彼

時被執懼箠楚招為斌之伯叔兄弟亦坐以斬臣

皇等今鞫出義等與斌無相干當發寧家

上從之 夜月犯天江星

命辛巳



命故赤斤蒙古衛指揮同知鎖南失加子克羅俄加  
襲職 禮部奏近者詔選

皇太子妃本部已遣官榜諭宜遣內臣於在京在外  
分投選擇從之  
壬午籍姓  
陞戶部左侍郎張睿為本部尚書仍管糧儲  
是日應天府江浦縣民家火起延燒江淮衛及官  
民房屋千餘間男婦死者三十人

上癸未

哈密忠順王母努溫答失里等遣使火乳只兒的

烏思藏番僧溫卜余納朶日等陝西岷州等衛弘  
教等寺番僧尖替端萬等來朝馬貢及方物賜鈔  
幣如例 真定衛軍餘奏鎮守都指揮張智違法  
諸事

上命巡按御史覈之

乙酉

命大理寺左寺丞夏特正復任以省祭還京也  
命金吾左衛指揮僉事張禮子英通州衛指揮僉事  
徐源子銘代職故府軍衛指揮使董文子鑑濟陽  
衛指揮同知路亨子海金吾前衛指揮同知韓旺



子通襲職增蓋南京後湖貯冊庫房三十間  
丁亥年給周府仙鳧縣主并儀賓李忠陽夏縣主并儀賓  
謝通歲祿各六百石本色米四百石折鈔二百石  
葵丘郡君并儀賓白顏錦襄郡君并儀賓樊致洵  
陽郡君并儀賓梁芳蓬池郡君并儀賓文奎年陽  
郡君并儀賓楊鎔扶亭郡君并儀賓霍錦歲祿各  
四百石本色米二百五十石折鈔一百五十石  
命直隸蘇松及浙江等處仍增織紵絲紗羅一萬匹  
初天順元年令織三萬四千七百匹以詔減一萬

至是復徵之天群臣奉詔鞠南和伯方毅未襲爵  
時服內姦父婢及襲爵後姦佔家人妹為妾恐叔  
瑞露其事誘祖母誣端不孝罪應贖杖還爵然毅  
敗倫傷化難照常例處置  
上命革爵閒住

戊子復除尚寶司少卿楊導於本司以丁憂服闋也  
夜東方有星大如盞色青白有光起自大角發光  
如碗大光明照地東南行至近濁

庚寅



命萬全都司署都指揮僉事趙瑜子欽代為蔚州衛  
指揮使陝西都指揮僉事仇廉子理襲為寧夏前  
衛指揮僉事大賞鎮守甘肅官軍宣城伯衛穎等  
一百七十九人白金綵幣絹布有差以鎮番永昌  
等處殺賊功也

壬午卯

命吏科右給事中潘榮行人司行人蔡哲克正副使  
往琉球國祭故王尚泰父并封其世子尚德為王  
且詔之曰朕紹帝王之統續  
祖宗之緒主宰天下一視同仁撫馭華夷靡間遐邇

惟尔琉球國僻居海島密迹閩中慕義來庭受封  
傳業盖有年矣故國王尚泰克篤勤誠敬天事  
大甫餘六載脩爾告終先業攸存可無承繼其世  
子尚德性資仁厚國衆歸心茲特遣正使吏科右  
給事中潘榮副使行人司行人蔡哲齋詔往封為  
琉球國中山王仍賜以弁皮冠服等件凡國中官  
僚士庶宜同心輔翼作我外藩於乎循理謹度永  
堅率俾之忠親族睦鄰丕冒咸寧之化故茲詔示  
悉使聞知餘山西都指揮僉事孫泰守備天城衛  
委百戶卞鉉守滕新平墩及達賊入境鉉命軍三



人下墩通報為賊所殺泰乃匿其殺死狀事覺下  
巡按御史論鉉罪應斬泰應贖杖還職都察院  
右都御史李賓等言泰罪固宜鉉情可矜

甲午

四川等處永寧等宣撫司土官舍人奢貴等來朝

貢馬賜宴并鈔

英宗睿皇帝實錄

大明英宗睿皇帝實錄

天順六年五月乙未朔命故左府都督同知李信  
姪聚襲為金吾左衛指揮使

丙申

土魯番地面遣使臣米列等四川烏思藏地面刺  
麻旺聘星吉等俱來朝貢馬及方物賜宴并綵幣  
表裡紵絲襲衣等物有差御馬監勇士福海夜  
集衆劫鄭村壩草場內使孔璟家白金器皿等物  
法司鞫罪當斬

上命斬勇士於教場

陞戶科給事中錢澍為湖廣



長沙府知府刑部浙江司員外郎卓天錫為直隸  
常州府知府

丁酉  
大寧都司都指揮同知王昇為所部奏其交結奸  
臣石亨倚勢酷虐軍民廢弛軍政錦衣衛官往廉  
其狀俱實  
上命械昇至京鞠之

戊戌  
賜雲丘王府晉昌縣主誥命冠服等物

端午節賜文武百官扇及宴仍御製詩二章題於  
扇以賜各堂上官  
夜有流星大如彈色赤有光  
出天棊東北行至文昌星門

庚子

命  
陞南京陝西道監察御史畢亨為福建福州府知  
府  
賜臨潼王府鎮國將軍誠浩誥命冠服等物  
皇  
征進兩廣總兵官都督僉事顏彪等奏臣率領  
大軍駐劄大藤峽進剿龍山等處獠人直抵潯梧  
廉潮等處所向無不摧折積屍盈野流血成川嶺  
命  
海蒼生成知感戴



上賜勅獎諭

命太監裴當牛王於京城顏義於直隸并山東夏時

等於南京并河南選求良家女子堪為

皇太子妃者各降勅諭之

壬寅

命故金吾左衛帶俸都指揮使劉暉子鍾襲為本衛

指揮使遼東都指揮僉事俞春子翺襲為遼海衛

指揮使禁在外大小衙門不許增置夾棍等件

刑具酷虐軍民從浙江冠帶典吏黃鎮言也

部奏恭順侯吳瑾俸祿例應截日住支計瑾多支

米二百六十六石合於襲爵男祿內扣除還官

上以瑾死於賊特優與之

癸卯

添設山西平陽府管糧通判從本府奏請也

寧化王孝義縣主卒遣中官賜祭命有司營葬

甲辰

夜月犯亢宿南第二星

乙巳

禮部奏先是靈丘王遜炆擅令長子仕塲及儀賓

張惠詣京已執惠送錦衣衛鎮撫司鞫罪轉送都



察院擬律大理寺審允類奏繫獄今靈丘王奏女  
聞善縣主卒因無喪主歲久未葬乞原惠罪回還  
殯葬

上特宥之

丙午

仁宗昭皇帝忌辰遣官祭

獻陵程俊陞錦衣衛帶俸都指揮同知為都指揮使指

揮同知馬亮為指揮使初程俊等充正副使使亂

上加恩蘭處還累求遷兵部言出使非有軍功難允

上特命陞一級

丁未

命故錦衣衛指揮同知逯杲子增優給指揮僉事俸

杲之被殺也其妻奏乞襲職優給兵部言杲得官

非有汗馬功例不承襲

上憫其死故有是命

戊申

巡撫寧夏右副都御史陳翬奏達賊侵掠寧夏西

路而左叅將朱榮協守都指揮馮紀不能追勦止

閉營固守乞執榮等問罪以懲戒將來

上命榮紀自陳榮紀各上章請罪遂宥之



土已酉  
封慶成王第九弟鍾鐸為鎮國將軍妻顧氏為鎮國將軍夫人賜誥命冠服等物  
調兵部右侍郎郝璜於南京工部命大理寺左寺丞高明理本寺事俱以清理武職貼黃事完也  
擢進士李森為工部科給事中毛弘左賢俱為刑科給事中郭舒馬恒王燮黃鍾俱為行人司行人李翔為南京工科給事中  
是日昏霧四塞  
命庚戌  
陸大理寺左寺丞夏時正為南京大理寺右少卿

宗  
右軍都督府致仕右都督田禮卒禮字思敬直隸清苑縣人襲父欽保定中衛指揮僉事從征武定州又征會州屢捷陞署都指揮僉事正統中征富峪熱水有功陞署右軍都督僉事尋實授充右副總兵同靖遠伯王驥征雲南孟養又征貴州苗賊陞右都督苗賊圍都勻率兵援之克香爐山寨還京仍理府事總神機右掖未幾致仕至是卒遣官祭塋  
辛亥  
陞江西道監察御史陳璧為浙江按察司僉事專



管銀場並順天府涿州羊房草場莊地百餘頃舊  
為太監曹吉祥業吉祥伏誅駙馬都尉石璟請其  
地有司請以三分之一給賜從之

癸丑以野武事歸軒對曰亦未幾廷封至是卒並  
太保寧陽侯陳懋疾劇奏曰臣本庸愚荷膺重爵  
又承憐以老年時加眷顧雖粉骨碎身未能補報  
於萬一不意風疾轉加沉重恐一旦命殞有負國

恩伏望

皇上以廣福人莫久恐於中獨前軼後車於五  
宗社生民為念任用賢能以固億萬年太平之業臣

生不能獲力死效瞑目於地下矣臣不勝痛泣悚  
懼之至

上降旨慰之曰卿為國家勲舊久嬰疾病朕常軫念  
今自陳病重且盡忠言足見卿憂國之意尚宜調  
治以副朕懷其旨南宮於其上以賜藥料

甲寅以谷出粟初秋請養在野亦請并歸中書  
巡撫遼東等處左副都御史等官胡本惠等赴京  
議事言遼東定遼左等二十五衛每衛原置一庫  
設官攢庫秤共三百員名有一城六庫四庫二庫  
者中間所收錢帛不多官吏徒費俸給請以遼陽



在城六庫併於定遼在中前三庫寧<sup>廣</sup>在城四庫併於廣寧左二庫開原在城二庫併於三萬庫義州在城二庫併於義州庫錦州在城二庫併於廣寧左也庫更請於遼東地方每衛置養濟院勸諭富實之家各出粟依時給養存恤孤窮并給守備餘丁冬衣布花其甘肅地方設立馬駟牛站俱係要害之處原無積聚糧料官軍按月俱赴所管衛所土關支請每駟站一處設立一倉撥糧一千遇急不能赴衛所關支者就彼關給其宣府等處所屬地方添設懷安永寧草場各一處仍以陝西布政司

便利倉改隸慶陽府事下戶部覆奏宜從其議上俱從之二復除陝西右叅政朱昂於福建布政司巡視海道以丁憂服闋也

命濟州衛指揮使焦榮子欽府軍左衛指揮僉事吳恒子冕燕山前衛指揮僉事許安子勝俱代職巡按浙江監察御史張黼奏去年七月中浙江大水運司所屬下砂等場淹沒益共六萬二百四十四餘引請蠲其課從之四

乙卯之歲...  
以延安綏德殺賊功陞賞將士三百四十六人有



差內三十七人陞一級太監王春總兵官楊信僉  
都御史徐瑄右叅將張欽等皆給賞 陝西岷州  
衛番僧劄掛祿竹等四川烏思藏刺麻沙甲等俱  
來朝貢馬及方物賜鈔綵幣表裡等物有差陝  
西按察司劾都指揮僉事劉英巧立拜見答應名  
色受軍人賄賂請劾奪僉事等語奉旨劉英等俱  
上命巡按御史鞠治之

丙辰

上巡按浙江監察御史孫珂奏三月中浙江雲和縣  
七赤銀局盜起毀垣劫掠銀課殺死人匠奉御阮

料被兵傷手暗夜月犯壘壁陣星

丁巳

勅鎮守大同太監王春總兵官勦武伯揚信等曰得  
爾奏報孛來所遣使臣察占等已入大同館驛安  
歇而餘賊仍於各邊拆牆進入可見此虜名為朝  
貢心存譎詐且又有三千人馬護送在邊爾等宜  
用心關防恐有內應外合之變復勅宣府遼東延  
綏寧夏甘肅總兵等官俾其知備 給遼府監利  
天縣主并儀賓姜溥歲祿六百石內二百石給鈔

戊午



命前軍都督同知趙勝掌本府事 是夜南京雷震

天地壇北天門吻獸墮地六百石因二百石命

已未夏古南縣文書前野其時節 命並取遺

免陝西西安府等衛所屬去年被災秋糧二十三

萬九千一百六十餘石 十八萬五千五百石

庚申命前軍都督同知趙勝掌本府事

周府歸德邵主偃師縣主卒訃聞俱遣中官賜祭

命有司營塋 蓋王春縣文書廣方計縣計善曰

壬戌

陞南京工部都水司員外郎劉彰貴州按察司僉

事劉益俱為福建布政司右叅議益專管銀場復

除山西道監察御史王朝遠於雲南道四川道監

察御史汪霖於江西道俱以丁憂服闋也 給和

川王成饒歲祿二千石朱鈔兼支 勅諭迤北正

使察占曰今得大同奏報爾領三百人來京朝貢

跋涉遠路勤勞可嘉茲特遣太監吳昱都督喜信

前去慰勞然天順元年曾有勅與太師孛來凡遣

人朝貢不可過多今三百人來其數多矣往年為

因人多致生是非遂失和好今日當戒前失以圖

久遠爾可與吳昱喜信商議將緊要使臣帶領來



京其餘役人俱留大同安歇給與口糧下程有貨  
物交易者聽其就彼交易其體朕至意毋忽圖  
浙江按察司奏布政司參議張琛以勸借糧受奉  
化縣典史張真科斂銀五十兩都察院請下巡按  
御史鞠治從之下盡無詳盡太過吳是楷曾言計  
身察古曰今計大同奏請亦銀三百人未京陳貢  
川平政變歲輸二千石米糧無支供備盛此五  
察勝文王春公山西直隸以丁亥秋閏也 命吐  
劍山西直隸巡按使王陳遠於雲南直隸四川直隸  
英宗睿皇帝實錄

大明英宗睿皇帝實錄

天順六年六月甲子朔南寧伯毛榮奏母姜氏卒  
請給假殯葬從之

丙寅

命貴州都司陣亡都指揮同知路宣子經襲為都指  
揮同知仍於本司帶俸

命土魯番王使臣米郎為指揮使指揮僉事馬黑麻

迭力迷失為指揮同知 兵部言遼東錦州一帶

邊方俱有達賊出沒窺伺日久意圖入寇宜移文

遼東總兵等官會同副總兵參將等官設計撲滅



不許擁兵坐視從之。詔夜客星見於策星傍，色蒼白。大臣言其出，意曰：日入，意圖入，遂直。文王郊，其言靈。東雜賦：一命京衛指揮等官鄔欽等一百二十七名，下錦永衛獄。初，欽等各領白金綵幣等物，隨使臣馬雲等往命西域諸國貨易。至中途，聞哈密王母言前路有賊，欽等畏懼，逃回。盡費其物，詔錦永衛鞫問。追陪候馬雲回罪之。文王

戊辰

大准王祁銓來朝，實給遼府施容縣主并儀賓吳訪

歲祿六百石，內二百石折鈔。國子監祭酒劉益下錦永衛獄，時典簿徐敬坐盜倉糧，竊官紙印私書用官木造私器罪。乃奏益嘗因釋奠用官鈔買茶果接待各官，故并益下獄。鞫當贖杖還職。文王從之。下錦永衛千戶馮瑤覈鎮守山海等處總兵官都指揮僉事馬榮受所部指揮賂及用貨物買易夷人馬匹。

上以榮守邊方姑宥之。

己巳

遼王貴燬奏請賜長孫恩鍔冠服及重給儀仗銀



器禮部奏非常例不當與從之  
造輔聖夫人墳  
所祭器 巡撫山東左副都御史賈銓奏五月初  
兗州府所屬州縣蝗生 夜客星入紫微垣內

庚午八月四日

致書宗室諸王曰先因趙府湯陰王祁鎬所為非  
禮特取來京戒諭及令皇親內官審問非禮之事  
一是一是實蓋由平日聽信小人哄誘不從教授以  
曲法寬貸仍送回府令其改過自新以保名爵今  
錄其所為實情封去一看庶知朝廷所以取來戒

諭之意有不可已也專書以達惟王亮之  
命故河南都司都指揮僉事鄭璘子俊襲為彰德衛  
指揮使

命札加思蘭處故都指揮同知虎刺哈子古奴虎赤  
都指揮僉事伯藍火者子鬼赤力指揮同知虎禿  
不丁子哈刺指揮僉事卜兒罕忽力子倒刺火只俱  
襲職陞都指揮僉事迭兒必失為都指揮同知指  
揮使沙的兒火只為都指揮僉事指揮僉事撒的  
為指揮同知千戶馬黑木馬黑麻俱為指揮僉事  
都督同知過興卒興順天府宛平縣人永樂三







為娶拆毀官房賣放軍餘諸罪因不從奪軍入赦  
上命巡按監察御史味留中臣王留中臣歸還善奏  
癸酉歲次自是命一巡山東東昌府同以四書  
以楚康王季淑薨庶子年幼命東安王代祀山川  
等神從長史周新等奏請也  
命哈密故指揮僉事捨黑咱哈子亦不刺金襲職千  
戶哈只失哈力俱陞為指揮僉事 以寧夏副總  
土兵都指揮僉事等官仇廉等於柳溝盤塘子山等  
處殺賊獲功詔生擒達賊并斬獲首級官旗俱陞  
一級不賞其晝夜襲縱并先入賊陣都指揮各賞

銀三兩絲段一表裡指揮各銀三兩千百戶各銀  
二兩旗軍各銀一兩布二疋 哈密中順王母孛  
溫答失里奏被亂加思蘭盡掠其羊畜乞於陝西  
邊境買羊一千以圖孳牧

去命止買二百造紵絲番僧衣服九百三十五襲  
癸亥

命以陝西固原州擒殺達賊功陞賞將士一千一百  
九十二人有差內都指揮使孫廣等三十二人陞  
一級右少監張溫左監丞王寧右都督馮宗都督  
同知趙勝都督僉事李果右侍郎白圭左副都御



史王竑等皆給賞章召廣東按察司副使陳泰赴  
上京越夜客星入犯天牢星王寧可備管馬亦備管  
丙子二入首委凶嗜部駁吏務費等三十二人  
命魏國公徐承宗孟秋祭漢四郊賞錢二千一百  
孝陵先是祭

孝陵命駙馬都尉趙輝行禮以為常至是以輝喪長  
男有期服故命承宗代之 巡按雲南監察御史  
及三司奏覆勘鎮守金齒騰衝都督僉事胡誌擅  
用違禁諸器物罪俱有驗詔執誌至京下錦衣衛  
獄鞫送法司贖杖還職從之 樂二函十百各雜

戊寅新王祔銓於王

遣中官祭中雷之神

賜淮王祁銓食益二百引從王奏請也 追封已故  
灌頂圓妙廣智大國師端竹領占為西天佛子從  
其徒大國師劄巴堅叅請也

命戶部尚書年富復任以奔喪還京也

命故陝西署都指揮僉事康泰子永襲為西安前衛  
指揮使 命陞鄭府教授雷純為本府長史司右長  
史從鄭王瞻峻奏保也 免陝西莊浪涼州永昌



鎮番五衛被寇踐傷也地糧五萬二千四百五十  
五石有奇劉淮王祁銓謁端尚本族身史自亦身  
長陵對西晉時許縣會車裏泰子亦身西史首  
獻陵時尚書平富封此亦身  
景陵昨夜東方有星大如盞色赤尾跡有光起自天  
津正北行至閣道後亦身  
庚辰國也黃皆天國神  
陞太常寺寺丞丘晟為順天府治中以九年秩滿  
也中以江西饒州府柴棚局河泊所歲課鈔二年  
給賜淮王祁銓從王請也

辛巳  
命文武百官見淮王於諸王館巡按廣東監察御  
史李曰良奏雷州肇慶等府地方俱被廣西流賊  
越境劫掠民不聊生  
上命兵部移文總兵官顏彪等分遣偏師討之以  
湖廣綏洞城步等處擒殺苗賊功陞賞將士二千  
七十五人有差內三百二十人陞一級太監郭閱總兵  
官李震左僉都御史王儉左叅將高瑞右叅將李  
文等皆給賞文等皆給賞  
勅宣府總兵官陳友副總兵董斌右叅將江福等曰



味近因達賊屢次入境剽掠福等視為泛常以致失  
亡甚衆及陳友等領兵前去又不同心戮力祛除  
邊患却乃立意矛盾以誤事機且尔等為朝廷武  
臣受邊聞重寄既無勇無謀又多猜多忌擁兵自  
衛縱賊完歸為邊將者當如是乎宜痛自克勵以  
副委任之意如仍前乖戾必治罪不宥不患朝廷  
無人代尔也尔等其慎之

癸未

迤北孛來遣使察占等四百五名口來朝貢馬一  
百二十九匹賜宴於禮部并賜衣帽綵幣等物

都察院右副都御史劉孜先是巡撫南直隸并提  
督糧儲遭母喪命奔喪還京仍舊巡撫既而有司  
以糧儲分派起運在途請令孜就彼復職視事免  
其來京度不妨誤從之  陞廣東道監察御史夏  
墳為廣東按察司按察使  是日楚府火  致仕  
都察院右副都御史盧睿卒睿字仲思浙江東陽  
縣人宣德間以進士拜廣東道監察御史正統丁  
巳陞都察院右僉都御史勅鎮大同宣府辛酉改  
命叅贊寧夏軍務在邊凡四十年景泰庚午以疾  
致仕家居十三年至是卒訃聞遣官諭祭  夜客



星居中台星下形漸微辛信聞聖旨備祭以郊  
甲申黃憲夏軍各武盡八四十年景泰與平心  
朝鮮國王李瑒遣陪臣金係熙等奉表來謝恩貢  
方物馬匹賜宴并賜綵幣等物起前都察院右  
僉都御史李秉為南京都察院右僉都御史秉先  
在大同巡撫以事罷為民及是內閣臣薦其可用  
故有是命

命迤北來朝使臣照正統間例每月初一初八十五  
二十二日鴻臚寺官引領隨朝湖廣總兵官都  
督僉事李震奏躬率官軍由錦田江華直抵雲川

貴嶺橫江等寨官軍奮勇勦殺猺賊斬首二千五  
百餘級生擒三百餘人准王祁銓謁祖母李妃  
墳園

丙戌

命錦永衛指揮僉事呂貴監察御史馬文昇給事中  
袁愷點視草場牧放馬匹先是循例遣都督僉事  
王英等管領五軍三千神機等營馬往雄縣等處  
草場牧放至是

上聞其鈐束不嚴縱容官軍騎往各處故勅貴等點  
視且戒其毋得虛應故事容情不舉前軍帶俸



都督僉事薛忠卒遣官致祭命有司營塋軍帶  
上戊子命刑部浙江司郎中李誠為浙江布政司右叅政  
工裁革雲南諾鄧大井順盪三井鹽課司副使各  
一員以各司奏事簡官多故也命前夜有流星大如  
杯色青白有光燭地出夫弁至天市西垣內三小  
星隨之月犯畢宿

記丑

命濟州衛老疾指揮使焦榮子欽南京江淮衛指揮  
同知魏忠子鑑金吾右衛指揮僉事王玘弟貴俱

代職故南京羽林前衛指揮使余金子瑛指揮僉  
事周源子昂濟陽衛指揮同知楊慶子和金吾左  
衛指揮僉事錢盛子璘府軍衛指揮僉事馬勝子  
瑄金吾左衛指揮僉事劉琮叔源俱襲職金星  
晝見於辰位

皇庚辰

命故文安伯張輓子斌襲封文安伯大同總兵官  
彰武伯楊信奏達賊侵高山衛地方隨統官軍會  
東路叅將張鵬等追擊走之

辛卯



賜寧化王弟鎮國將軍美塔女樂陽郡君儀賓劉江  
枝江王妹遠安縣主儀賓陳鍵誥命冠服鞭馬等  
件  
壬辰年秋節免命婦朝賀  
錦衣衛帶俸都指揮僉  
事馬鑑忠義前衛帶俸副千戶楊貴等奏臣等奉  
命往女直地方買賣至開原候夷人接護過期不  
來至本月初四日始有山場女直都督你哈答領  
四百餘人帶明甲弓箭到邊詐言迎接不依例却  
脫盔甲弓箭因叅將曹廣詰問奔散<sup>至</sup>晚掠去境

內男婦六人次日廣領軍追至賊寨擒寨首三人  
至十四日有成討溫衛一寨女直都督婁得領五  
十<sup>六</sup>人來<sup>迎</sup>稱說黑龍江野人與都督阿哈讐殺  
阿哈又與婁得有仇臣等切詳夷情虛詐難以憑  
信前往恐彼<sup>詐</sup>賺  
上令該部覆實以聞

癸巳  
初迤北孛來奏請彼處頭目撒亦答力等六十五  
人賞賜已給綵段八十七表裡付先次來使納哈  
出收領不曾帶去至是孛來奏稱賞賜遲滯詔如



數給與命今來使臣察占領回賜之云雲南總兵  
官都督同知沐瓚等奏本邦等官土官罕落法聚  
衆作亂屢侵隴川等地方欲將原調守備貴州官  
軍八千放回防禦兵部言官軍調守已以定難允放

上曰

事有援急不可執一雲南賊情既急姑令放回  
其半庶不兩誤御馬監勇士指揮僉事張宣隨  
太監帖木兒干往南京還過鳳陽夾溝駙丞程  
端詣事帖木兒干因以金帛賂宣端來京宣與宿  
妓家因令端以馬餽帖木兒干許為遷官又求金

帛不已端不與宣數凌辱之端忽恚因發狂突入  
御用監告宣羸衣上樹大叫復走入上西門門  
者獲之與宣俱下錦衣衛獄

上御玄武門接命都指揮門達鞠之端歷數達過惡  
且云祖宗命我言

上命枷宣警衆竟死於枷以端為狂監禁之尋罷為  
民



教為... 官... 宋... 升... 上... 且... 上... 昔... 此... 英宗睿皇帝實錄





